



O'zbekiston Ovozi

Ijtimoiy-siyosiy gazeta



t.me/uzbekiston_ovozi_gazetasi



facebook.com/uzbekistonovozi



instagram.com/uzbekiston_ovozi



www.uzbovozi.uz



info@uzbovozi.uz



ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ТАШКИЛ ЭТИЛГАННИНГ 33 ЙИЛЛИГИ ВА ВАТАН ҲИМОЯЧИЛАРИ КУНИ МУНОСАБАТИ БИЛАН БАЙРАМ ТАБРИГИ

Хурматли аскар ва сержантлар, офицер ва генераллар!
Муҳтарам Қуролли Кучларимиз фахрийлари!
Қадрли юртдошлар!

Сиз, азизларни, кўпмиллатли бутун халқимизни Ўзбекистон Қуролли Кучлари ташкил этилганининг 33 йиллиги ҳамда Ватан ҳимоячилари куни билан самимий муборакбод этаман.

Барчамиз учун шон-шараф тимсолига айланган мана шу қутлуғ айёмда ўз ҳаётини Ватан ҳимоясидек улуғ ишга бағишлаган ботир ва довурак ўғлонларимизни, муҳтарам фахрийларимизни табриклаб, уларнинг шаънига энг эзгу тилакларимизни изҳор этамиз.

Сизларнинг азму шижоатингиз, эл-юртга садоқатингиз туфайли халқимизнинг тинч ва осойишта ҳаёти таъминланмоқда, мамлакатимизнинг муҳофаза салоҳияти мустаҳкамланмоқда, миллий армиямизнинг жанговар қобилияти юксалмоқда.

Юртимиз бўйлаб жасорат мадҳиялари янграётган

бугунги улуғ кунларда Ватан олдидаги бурчини адо этиш чоғида ҳалок бўлган қаҳрамон ҳарбийларимизнинг сўнмас хотираси олдида барчамиз ҳурмат бажо келтирамиз.

Фурсатдан фойдаланиб, мард ва баҳодир юрт қондорларини тарбиялаган барча ота-оналарга, ҳарбий хизмат давомида Ватан ҳимоячиларига тоғдек таянч бўлиб келаётган уларнинг оила аъзоларига чин қалбимдан миннатдорлик билдираман.

Азиз дўстлар!

Кейинги йилларда олиб бораётган кенг қўламли ислохотларимиз туфайли Қуролли Кучларимиз мамлакатимиз мустақиллиги, чегараларимиз дахлсизлиги, халқимизнинг тинч ва осойишта ҳаётини таъминлашнинг чинакам қафолатига айланиб бормоқда.

2

САҲИФАДА

14 ЯНВАРЬ – ВАТАН ҲИМОЯЧИЛАРИ КУНИ



ҲАР БИР ИНСОН ФАРОВОНЛИГИ УЧУН

ХИЗМАТ ҚИЛУВЧИ

ҒОЯЛАР ЎРИН ОЛГАН

ДАСТУР

Ўзбекистон ижтимоий давлат. Бу тамойил мамлакатимизнинг асосий қонуни, яъни, Конституциянинг биринчи моддасида белгиланган. Демак, бундан буён олиб борилаётган ислохотлар, қабул қилинадиган меъёрий-ҳуқуқий ҳужжатлар, умуман, жамият ҳаётига алоқадор ҳар бир масалада ижтимоий давлат принципига амал қилиниши лозим. "Ўзбекистон – 2030" стратегиясини "Атроф-муҳитни асраш ва "яшил" иқтисодиёт йили" да амалга ошириш бўйича Давлат дастури ва уни тасдиқлаш тўғрисидаги Ўзбекистон Республикаси Президенти Фармони лойиҳаси ишлаб чиқилиб, кенг жамоатчилик муҳокамаси учун эълон қилинганидан хабарингиз бор. Ушбу ҳужжатда ҳам айни шу тамойил ўз ифодасини топган.

Яъни, Давлат дастури лойиҳасида 5 та устувор йўналиш бўйича 2025 йил учун амалий чора-тадбирлар, норматив-ҳуқуқий ҳужжатлар рўйхати ва мақсадли кўрсаткичлар назарда тутилган. Хусусан, экология йўналишида атроф-муҳитни муҳофаза қилиш ва сув ресурсларини тежаш, ижтимоий сиёсатда таълим, соғлиқни сақлаш, ижтимоий ҳимоя, ёшлар масалалари, яшил иқтисодиётни ривожлантиришда барқарор иқтисодий ўсиш ҳисобига аҳоли фаровонлигини таъминлаш, давлат бошқаруви ва суд-ҳуқуқ соҳасини такомиллаштириш орқали қонун устуворлигини таъминлаш, бошқаруви халқ хизматида йўналтириш, ташқи сиёсат ва хавфсизлик "хавфсиз ва тинчликсевар давлат" тамойилига асосланган сиёсатни давом эттириш назарда тутилмоқда. Кўриб турганингиздек, ҳар бир йўналишда ижтимоий сиёсат, яъни, халқ фаровонлиги ва осойишталигига қаратилган масалалар қамраб олинган.

Шу кунларда дастур лойиҳаси кенг жамоатчилик, турли ташкилот ва идоралар қаторида Олий Мажлис Қонунчилик палатаси ҳамда сиёсий партиялар томонидан ҳам қизғин муҳокама қилинмоқда. Ўзбекистон ХДП фракцияси ва ҳудудий партия ташкилотлари ушбу дастурий ҳужжат мазмун-моҳияти ва аҳамияти ҳақида ўз муносабатлари, таклиф ва тавсияларини билдирмоқда.

3

САҲИФАДА

СУНЪИЙ ИНТЕЛЛЕКТ: ЯНГИ ТЕНДЕНЦИЯ, ТАҲДИД ВА ХАВОТИРЛАР

Бугун деярли ҳар куни унинг янги имкониятлари ҳақидаги янгиликларга кўзимиз тушаётган сунъий интеллект (СИ) наинки глобал иқтисодиётда, балки ижтимоий ҳаётимизнинг барча жабҳасида шиддатли таъсир кучига эга бўлиб бормоқда. Халқаро экспертларнинг фикрича, 2030 йилга келиб дунё бўйлаб бандликнинг қарийб 40 фоизи автоматлаштирилади. Бу айни дамда юз миллионлаб инсонлар ишлаб, даромад топаётган касб ва ихтисосликлар тамомилан сунъий интеллект қўлига ўтади деганидир.

5

ЖАНГОВАР РУҲИНГИЗ ВА ШИДДАТИНГИЗГА КЎЗ ТЕГМАСИН!

Шу кунларда халқимиз юртимиздаги энг муҳим ва тарихий санани байрам қилмоқда. Яъни, Ватан ҳимоячилари куни ва мамлакатимиз Қуролли Кучлари ташкил этилганининг 33 йиллиги кенг нишонланмоқда. Кеча шу муносабат билан давлатимиз раҳбари ҳам соҳа ходимларига байрам табригини йўллади. Ана шундай қутлуғ айём кунларида ҳар бир инсон Ватан нечоғлик азиз ва муқаддас гўшалиги, унинг ҳимояси чинакам мардлик, фидойилик эканини янада теранроқ ҳис қилади. Ўз ҳаётини Ватанни ҳимоя қилишдек улуғ ва олижаноб ишга бағишлаган соҳа ходимларининг улуғ ва шарафли хизматини қайта-қайта эътироф этади.

2

МАҲАЛЛИЙ КЕНГАШЛАРДА

Хоразм:

САФИМИЗДАГИ ЁШЛАР – МАҚСАДЛИ



ЎзХДП Хоразм вилоят Кенгаши ҳамда Урганч шаҳар Кенгаши ҳамкорликда Урганч давлат университетида 14 январь – Ватан ҳимоячилари куни муносабати билан талаба-ёшлар иштирокида "Сафимиздаги ёшлар" лойиҳаси доирасида тадбир ташкил этилди.

Унда сўзга чиққан партиянинг Урганч шаҳар Кенгаши раиси О.Бобоҷонов ва партия фаоли Урганч давлат университети тюттори У.Бобоҷоновалар талабаларни байрам билан самимий табриклаб, келажақда юрт фидойилари, ватан равнақиға ҳисса қўшадиган ҳақиқий ватанпарвар инсонлар бўлиб етишишларига тилак билдиришди. Шунингдек, партияимизнинг дастурий мақсад ва ғояларини кенг тарғиб қилишда уларни янада фаол бўлишга қақирдилар.

Жиззах:

ДЕПУТАТ МАҲАЛЛАДА БЎЛИБ, АҲОЛИ МУАММОЛАРИНИ ЎРГАНДИ



Халқ депутатлари Фориш туман Кенгаши депутати Сабоҳат Қўнарова тумандаги "Нарвон" маҳалласида бўлиб "маҳалла еттилиги" фаолияти билан яқиндан танишди. Уларнинг муаммо ва таклифларини ўрганди.

Шунингдек, депутат хонадонма-хонадон юриб Ўзбекистон Республикаси Вазирлар Маҳкамасининг хотин-қизлар муаммоларини ўрганиш ва ҳал этиш тизимини янада такомиллаштиришга қаратилган қарорлари ҳамда 2024 йил 14-декабрдаги Хотин-қизлар муаммоларини тизимли равишда ҳал этиш, уларни ижтимоий қўллаб-қувватлаш бўйича Республика комиссияси кенгайтирилган йиғилишида белгиланган вазифалар ижросини таъминлаш мақсадида маҳалла фуқаролар йиғинида "Аёллар дафтари"нинг 6-босқичини шакллантириш бўйича ўтказилган хатлов ишлари билан ҳам танишиб, бу борада керакли таклиф ва тавсияларини берди.

Наманган:

ЖАҲОЛАТГА ҚАРШИ МАЪРИФАТ



Наманган Олимпия ва паралимпия спорт турларига тайёрлаш маркази ўқувчи ёшлари иштирокида ижтимоий-маънавий муҳитни соғломлаштириш, ўқувчи ёшларнинг турли диний экстремистик оқимлар таъсирига тушиб қолишининг олдини олиш мақсадида "Жаҳолатга қарши маърифат" мавзусида давра суҳбати ўтказилди.

Тадбирда бугунги таҳликали замонда турли ёт ғоялар ва ижтимоий тармоқлардаги хуружлардан сақланиш, дунёда содир бўлаётган воқеалардан хабардорлик ва юртимиздаги тинчлик-хотиржамликка шукроналик ҳиссини юксалтириш ҳамда ёшларга яратилаётган имкониятлардан тўри ва оқилона фойдаланиш бўйича тушунчалар берилди.

Сурхондарё:

ОҚАВА ВА ИЧИМЛИК СУВИ МАСАЛАСИ ҲАЛ ЭТИЛАДИ



ЎзХДП Термиз туман Кенгаши раиси, халқ депутатлари туман Кенгаши депутати Г.Шафоатова ва Ўзбекистон Халқ демократик партиясидан вилоят Кенгашига сайланган депутат Б.Ғафоровлар томонидан "Депутат маҳаллада" лойиҳаси доирасида сайловчилар билан учрашув ташкил этилди.

Учрашувда ҳудуд аҳолиси томонидан оқова сув канали тўлиб қолганлиги ҳамда тоза ичимлик суви билан боғлиқ муаммолар борлиги билдирилди.

Депутатлар муаммони жойига бориб ўрганиб, уларни ҳал қилиш борасида тегишли ташкилотлар билан аниқ тўхтамга келишди ва ижроси назоратига олинди.

ЙИЛЛИК ИНФЛЯЦИЯ КУТИЛГАНИДАН ЮҚОРИ БЎЛДИ

Ўзбекистонда 2024 йил якунлари бўйича расмий инфляция 9,8 фоизни ташкил этди. Бу Марказий банкнинг кутил-маларидан (9,5 фоиз) бироз баландроқ.

2024 йил апрелидан буён инфляция яна бир хонали даражасига қайтган. Утган декабрда ойлик инфляция 1,0 фоиздан иборат бўлган. Бунда озиқ-овқатлар 1,8 фоиз, ноозиқ-овқатлар 0,4 фоиз ва хизматлар 0,7 фоизга қимматлаган. Жумладан, асосий истеъмол саватидаги муҳим маҳсулотлардан тухум нархи 19,5 фоиз, пахта ёғи 9,2 фоиз, картошка 6,3 фоиз, пийёз 5,7 фоиз, сут 1,6 фоиз, товۇқ гўшти 1,1 фоиз, мол гўшти 0,7 фоиз, қўй гўшти 0,6 фоиз кўтарилган.

Прогнозларга кўра, ёғ, гўшт ва сут яна қимматлашида давом этиши мумкин. Энергокризис индексига айланган бодринг нархи 52,7 фоиз, помидор 22,4 фоизга ошганини ҳам эътибордан соқит қилмаслик керак.

Пропан нархи (литрда) 6000-7200 сўм оралиғида ўзгариб турган. Турли савдо нуқталарида бензин нархи Аи-80 маркасининг бир литри учун 6900-8500 сўм оралиғида қайд этилган бўлса, Аи-95 учун 13000 сўмгача етган. Йил давомида эса метан нархи 21 фоизга ошган.

Ёқилғи-энергетика бозоридаги нарх-наво кўтарилиши фонида, табиийки, поездлар чипта нархлари ўртача 12,6 фоизга (шахар ичидаги поездда йўл ҳақи 40,1 фоизга), такси хизматлари 12,2 фоизга, самолёт учун чипта

1,2 фоизга қимматлашган. Шу билан бирга, давлат боғчалари учун тўлов ой давомида 20, хусусий боғчаларники 12,3, давлат олий ўқув юрталарида таълим нархи 15,1, хусусий олий ўқув юрталарида эса 0,5 фоизга юқорилаган. Нархларнинг бундай сезиларли ўсишини умумий овқатланиш, меҳмонхона хизмати кўрсатиш тизимида ҳам кўриш мумкин.

Пул ўтказмалари учун тўловлар йил давомида 4,2 фоизга қимматлаган. Шу билан бирга, дори воситаларининг қимматлашиши тўхтамай давом этмоқда (ойлик 0,9 фоиз, йиллик 26,2 фоиз). 2025 йилда солиқчиликдаги ўзгаришлар дори-дармон нархларнинг ошишини янада тезлаштириши эҳтимоли ҳам йўқ эмас.

ЎЗБЕКИСТОННИНГ ОЛТИН-ВАЛЮТА ЗАХИРАЛАРИ ОШДИ

Ўзбекистон Марказий банки олтин-валюта захираларининг 2025 йил 1 январь ҳолатига қолдиғи юзасидан маълумотларни эълон қилди. Ҳисоботга кўра, 2024 йил давомида расмий захираларнинг умумий миқдори 34,56 миллиард доллардан 41,18 миллиард долларга ёки 19,1 фоизга ошган.

Йил давомида олтиннинг физик ҳажми қарийб 360 минг трой унцияга, унинг қиймати эса 7 миллиард 404,52 миллион долларга ошган. Шунингдек, Марказий банк томонидан сотиб олинган қимматли қозғалар қиймати маълумот очикланиши бошлаган даврдан (2024 йил

июнь) бери 101,7 миллион долларга етган.

2024 йилда олтин нархларининг максимал ошиши ҳисобига Ўзбекистоннинг халқаро захираларида рекорд даражада ўсиш кузатилди. Жумладан, ўтган йилнинг ноябрь ойида мамлакат расмий захира активлари йил бошига нисбатан 24,8 фоизга ошиб, 43 миллиард 139,1 миллион долларни ташкил қилди.

АҚШда президентлик сайловлари якунлангандан кейин олтин нархлари пасайишни бошлаб, бу ҳолат Ўзбекистон олтин-валюта захираларига ҳам таъсирини кўрсатди.

Ўзбекистон Республикаси ялпи халқаро захиралари 2024 йилнинг декабрь ойида 290 миллион долларга камайди. Хусусан, ой давомида олтин нархининг 2664,30 доллардан 2610,85 долларгача камайиши таъсири

- 656 миллион долларни ташкил этди.

Олтин нархлари пасайишни бошлаган даврдан буён Ўзбекистон захира активлари кетма-кет икки ой камайишда давом этмоқда. Хусусан, ноябрда мазкур тафовут -1 671,5 миллион доллар, декабрь ойи якуни бўйича эса - 290,2 миллион долларни ташкил қилган.

Маълумот учун, 2024 йил давомида олтин нархи 2042 доллардан 2609 долларгача кўтарилди. Марказий банк ноябрь ойида 9 тонна олтин сотиб олди ва Ўзбекистон ушбу қимматбаҳо металлни энг кўп харид қилган иккинчи давлат бўлди.

Тоштемир ХУДОЙҚУЛОВ,
“Ўзбекистон овози” муҳбири.

Эълон

Ўзбекистон Халқ демократик партияси Марказий Кенгаши 450 минг дона партия рамзи туширилган (105*145 мм ҳажмдаги картон 300 гр, 4+4) аъзолик гувоҳномаси ва (А5 ҳажмдаги 80 гр офсет, 1+1) ҳисоб карточкаси тайёрлатиш ва харид қилиш бўйича танлов эълон қилади.

Тижорат таклифлари қуйидаги манзилда қабул қилинади:

100029, Тошкент шаҳри, Мустақиллик майдони, 5/3.
Танлов савдоларида қатнашиш истагини билдирган корхона ва ташкилотлардан 2025 йил 30 январга қадар тижорат таклифлари қабул қилинади.

МАЪЛУМОТ УЧУН ТЕЛЕФОН РАҚАМИ:(71) 239-83-12

ХОРАЗМ ВИЛОЯТИ ҲОКИМЛИГИ ҲУЗУРИДАГИ

“АЛ-ХОРАЗМИЙ” МАЖМУАСИНИ БАРПО ЭТИШ ВА САҚЛАШ ДИРЕКЦИЯСИ ДУК ЖАМОАСИ

**ХАЛҚИМИЗНИ ВАТАН ҲИМОЯЧИЛАРИ КУНИ
БИЛАН ТАБРИКЛАЙДИ. ЮРТИМИЗ САРҲАДЛАРИНИ
ҚЎРИҚЛАШ, ТИНЧЛИГИНИ САҚЛАШ ҲАР БИР МАРД
ВА ЖАСУР ЎҒЛОННИНГ БУРЧИДИР.
ВАТАНИМИЗНИНГ МАРД ЎҒЛОНЛАРИ, КУЧЛИ ИРОДА
ВА МАТОНАТ ЭГАЛАРИНИ СЕРГАКЛИК ВА ҲУШЁРЛИК
ТАРК ЭТМАСИН.
ВАТАНИМИЗ ТИНЧ, ОСМОНИМИЗ МУСАФФО,
МУСТАҚИЛЛИГИМИЗ АБАДИЙ БЎЛСИН.**



МУАССИС:



ЎЗБЕКИСТОН
ХАЛҚ ДЕМОКРАТИК
ПАРТИЯСИ
МАРКАЗИЙ КЕНГАШИ

O'zbekiston Ovozi

ТАҲРИР НАЙ'АТИ:

Ulug'bek INOYATOV

Ulug'bek VAFOYEV

Maqsuda VORISOVA

Qalandar ABDURAHMONOV

Guliston ANNAQILICHEVA

Muslihiddin MUHIDDINOV

Hayotxon ORTIQBOYEVA

Toshtemir XUDOYQULOV

Бoш муҳаррир: Nazira MATYAKUBOVA

MANZILIMIZ: 100029, Тошкент, Мустақиллик майдони 5/3

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi

bosmaxonasida chop etildi.

Korxonа manzili: Buyuk Turon ko'chasi, 41-uy.

Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida
0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV

Г — 137. 1700 nusxada bosildi.

Nashr ko'rsatkichi — 220.

t — Tijorat materiallari

O'za yakuni —

Topshirilgan vaqti — 22:30

1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.